

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA NANE**

**KIKAO CHA NNE**

**30 JANUARI, 2015**



## ORODHA YA SHUGHULI ZA LEO

---

### MKUTANO WA KUMI NA NANE

KIKAO CHA NNE – TAREHE 30 JANUARI, 2015

#### I. HATI ZA KUWASILISHA MEZANI:

##### MWENYEKITI WA KAMATI YA MIUNDOMBINU:

- Taarifa ya Mwaka ya Shughuli za Kamati ya Kudumu ya Bunge ya Miundombinu katika kipindi cha Januari, 2014 hadi Januari, 2015.

##### MWENYEKITI WA KAMATI YA NISHATI NA MADINI:

Taarifa ya Mwaka ya Shughuli za Kamati ya Kudumu ya Bunge ya Nishati na Madini katika kipindi cha Januari, 2014 hadi Januari, 2015.

## II. MASWALI:

### OFISI YA WAZIRI MKUU:

#### 38. MHESHIMIWA ROSWEETER FAUSTIN KASIKILA (VITI MAALUM):

Atamuuliza Mheshimiwa Waziri Mkuu:-  
Mpango wa MMAM wa mwaka 2007 unasema  
kila kijiji kiwe na zahanati, kila Kata iwe na  
Kituo cha Afya na kila Wilaya iwe na Hospitali  
ya Wilaya:-

- (a) Je, Serikali ina mpango gani wa kujenga Hospitali ya Wilaya kwenye Wilaya mpya ya Kalambo;
- (b) Serikali inapoamua kuboresha Kituo cha Afya kuwa “Designated Hospital” bila kwanza kujenga Kituo cha Afya katika Kata husika; Je, haioni kuwa inakwenda kinyume na mpango mzima wa MMAM iliyojiwekea yenyewe.

**39. MHESHIMIWA MODESTUS DICKSON KILUFI  
(MBARALI):**

Atamuuliza Mheshimiwa Waziri Mkuu:-  
Madiwani ni wasimamizi wa shughuli za  
maendeleo katika Halmashauri zetu nchini:-

Je, ni lini maslahi yao yataboreshwa ili  
yalingane na kazi wanayoifanya.

**WIZARA YA KAZI NA AJIRA:**

**40. MHESHIMIWA NYAMBARI CHACHA MARIBA  
NYANGWINE (TARIME):**

Atamuuliza Mheshimiwa Waziri wa Kazi na  
Ajira:-Watanzania walio wengi wamejenga  
utamaduni wa kutopenda kufanya kazi, na  
badala yake kupiga soga sehemu za kazi na  
wengine wanalewa asubuhi na mapema:-

(a) Je, kwa nini utamaduni huo umejengeka  
kwa Watanzania walio wengi;

(b) Je, Serikali ina mkakati gani wa haraka wa  
kuzuia hali hiyo;



(c) Je, Serikali inakuja na mkakati gani wa kuwawezesha, na kuwajengea moyo wa kupenda kufanya kazi kwa juhudi na maarifa.

#### **WIZARA YA UCHUKUZI:**

#### **41. MHESHIMIWA DKT. ANTONY GERVAS MBASSA (BIHARAMULO MAGHARIBI):**

Atamuuliza Mheshimiwa Waziri wa Uchukuzi:-

Je, Serikali ina mpango gani wa kukarabati uwanja wa ndege wa Biharamulo ambao ni kiungo kikubwa kwa Wilaya jirani za Chato, Muleba (Kusini), Bukombe na Kakonko.

#### **WIZARA YA MAMBO YA NDANI YA NCHI:**

#### **42. MHESHIMIWA AL-SHAYMAA JOHN KWEGYIR (VITI MAALUM):**

Atamuuliza Mheshimiwa Waziri wa Mambo ya Ndani ya Nchi:- Magari yanayoharibika katikati ya barabara yamekuwa moja ya kisababishi cha ajali za barabarani kwa sababu huchelewa kuondolewa, hivyo kusababisha ajali kuzuia magari mengine kupita lakini pia kumekuwa na mlolongo mrefu wa ufuatiliaji wa winchi ya kuyaondoa magari hayo yaliyopata ajali:-

(a) Je, kwa nini Serikali isiweke magari japo machache yatakayotumika kuyaondoa magari yaliyoharibika katikati ya barabara kabla hayajasababisha ajali na vifo vya watu;

(b) Je, ni adhabu gani anayopewa dereva aliyeharibikiwa na gari njiani na kusababisha ajali ya kuumiza watu na mali zao, na ni hatua gani zimefikiwa za kuzuia magari mabovu kupakia abiria au mizigo na kuendelea kuleta msongamano na ajali.

**43. MHESHIMIWA SALUM KHALFAN BARWANY (LINDI MJINI):**

Atamuuliza Mheshimiwa Waziri wa Mambo ya Ndani ya Nchi:- Wananchi wanaoingia na kutoka Mjini Lindi husumbuliwa na Polisi kwenye kizuizi kilichopo eneo la SIDO:-

(a) Je, ni kwanini kizuizi hicho kisiwekwe nje ya Mji;

(b) Je, ni nini hasa malengo ya kuwepo kwa kizuizi hicho.

## **WIZARA YA KILIMO, CHAKULA NA USHIRIKA:**

### **44. MHESHIMIWA RUKIA KASSIM AHMED**

**(VITI MAALUM):**

Atamuuliza Mheshimiwa Waziri wa Kilimo, Chakula na Ushirika:- Kilimo cha Tumbaku kinaleta mapato makubwa kwenye baadhi ya Mikoa ya Tanzania Bara:-

- (a) Je, Serikali imefanya utafiti wa kina juu ya faida na hasara inayopatikana kwenye Tumbaku;
- (b) Je, Serikali ipo tayari kuwasaidia wakulima wa Tumbaku waweze kulima zao mbadala ili wasiendeele kutegemea zao hili lenye madhara kwa afya zao.

### **45. MHESHIMIWA SULEIMAN NCHAMBI SULEIMAN (KISHAPU):**

Atamuuliza Mheshimiwa Waziri wa Kilimo, Chakula na Ushirika:-

Je, ni lini Serikali itatimiza ahadi ya Waziri wa Kilimo, Chakula na Ushirika ya ujenzi wa mabwawa na skimu za umwagiliaji kwa kila Kata ya Jimbo la Kishapu.

## **WIZARA YA NISHATI NA MADINI:**

### **46. MHESHIMIWA SAID AMOUR ARFI (MPANDA MJINI):**

Atamuuliza Mheshimiwa Waziri wa Nishati na Madini:- Je, Serikali ina mpango gani wa kufikisha umeme katika maeneo mbalimbali yanayozunguka mji wa Mpanda unaokua kwa kasi na wenye mahitaji makubwa ya umeme.

### **47. MHESHIMIWA JOSEPH OSMUND MBILINYI (MBEYA MJINI):**

Atamuuliza Mheshimiwa Waziri wa Nishati na Madini:- Mji wa Mbeya kama Jiji ulitarajiwa uwe umefikiwa na huduma ya umeme katika maeneo yote; lakini hadi sasa maeneo ya Kata ya Iziwa, Itagano, Itende, Tembela, Mwansanga na Mwansekwa bado hayajafikiwa na umeme:-

(a) Je, nini tatizo la kutofikiwa na umeme hadi sasa;

(b) Je, ni nini mpango wa Serikali wa kufikisha huduma hiyo ya umeme katika Kata hizo.



## **WIZARA YA MAENDELEO YA MIFUGO NA UVUVI:**

### **48. MHESHIMIWA MURTAZA ALLY MANGUNGU (KILWA KASKAZINI):**

Atamuuliza Mheshimiwa Waziri wa Maendeleo ya Mifugo na Uvuvi:-

Je, Serikali ina mpango gani wa kujenga Bandari za Uvuvi katika maeneo ya Pwani.

## **WIZARA YA VIWANDA NA BIASHARA:**

### **49. MHESHIMIWA KHATIB SAID HAJI (KONDE):**

Atamuuliza Mheshimiwa Waziri wa Viwanda na Biashara:- Wakulima wa machungwa Mkoani Tanga hawana soko la uhakika la machungwa hivyo kusababisha machungwa hayo kuoza:-


Je, Serikali ina mpango gani wa kutafuta mwekezaji wa kujenga kiwanda cha kutengeneza juisi ya machungwa Mkoani Tanga.

## **WIZARA YA AFYA NA USTAWI WA JAMII:**

### **50. MHESHIMIWA RIZIKI OMAR JUMA (VITI MAALUM):**

Atamuuliza Mheshimiwa Waziri wa Afya na Ustawi wa Jamii:- Ingawa kipaumbele cha Wizara ya Afya na Ustawi wa Jamii ni kupunguza vifo vya akina Mama vitokanavyo na kujifungua lakini bajeti ya vifaa vya kujifungulia inapungua mwaka hadi mwaka:-

Je, Serikali inatoa kauli gani kuhusiana na hali hiyo.



## **WIZARA YA MAJI:**

### **51. MHESHIMIWA NEEMA MGAYA HAMID (VITI MAALUM):**

Atamuuliza Mheshimiwa Waziri wa Maji:-

Je, ni lini Serikali itakarabati mradi wa maji uliojengwa na UNICEF miaka thelathini na nane (38) iliyopita.

**52. MHESHIMIWA DKT. PUDENSIANA  
WILFRED KIKWEMBE (VITI MAALUM):**

Atamuuliza Mheshimiwa Waziri wa Maji:-  
Serikali kupitia Wizara husika, ilisema  
kwamba, maji kutoka Mto Ugalla yatapelekwa  
katika Wilaya za Urambo na Kaliua:-

Je, Mto Ugalla kwa sasa una maji ya kutosha  
kusambaza katika Wilaya za Kaliua na  
Urambo.

**III. KAULI ZA MAWAZIRI:**

**WAZIRI WA KILIMO, CHAKULA NA USHIRIKA:**

**IV. HOJA ZA KAMATI:**

**MWENYEKITI WA KAMATI YA HESABU ZA  
SERIKALI:**

Kwamba, Bunge sasa lipokee na kuikubali Taarifa  
ya Kamati ya Hesabu za Serikali pamoja na  
mapendekezo na maoni yaliyomo kwenye taarifa  
hiyo.



## **MWENYEKITI WA KAMATI YA HESABU ZA SERIKALI ZA MITAA:**

Kwamba, Bunge sasa lipokee na kuikubali Taarifa ya Kamati ya Hesabu za Serikali za Mitaa pamoja na maoni na mapendekezo yaliyomo kwenye Taarifa hiyo.

## **MWENYEKITI WA KAMATI YA BAJETI:**

Kwamba, Bunge sasa lipokee na kuikubali Taarifa ya Kamati ya Bajeti pamoja na maoni na mapendekezo yaliyomo kwenye Taarifa hiyo. ●

## **MWENYEKITI WA KAMATI YA MIUNDOMBINU:**

Kwamba, Bunge sasa lipokee na kuikubali Taarifa ya Kamati ya Miundombinu pamoja na maoni na mapendekezo yaliyomo kwenye Taarifa hiyo.

## **MWENYEKITI WA KAMATI YA NISHATI NA MADINI:**

Kwamba, Bunge sasa lipokee na kuikubali Taarifa ya Kamati ya Nishati na Madini pamoja na maoni na mapendekezo yaliyomo kwenye Taarifa hiyo.





**DODOMA  
30 JANUARI, 2015**

**DKT. T. D. KASHILILAH  
KATIBU WA BUNGE**